

24. august 2026

Inatsisartut Suleriaasianni § 37, imm. 1 naapertorlugu apeqqutit uku Naalakkersuisunut saqqummiunneqarput:

Naalakkersuisunut apeqqutit:

- 1. Naartunaveersaartitsinermut tunngasumik suliap inuit pisinnaatitaaffiit tunngasortai pillugit nalunaarusiat marluk peer review-mik taaneqartumik misissorneqareerlutik kingulliullugu iluarsiat Naalakkersuisut qanga tigusimavaat, Naalakkersuisunilu ilaasortat sorliit aammalu naalakkersuisoqarfiit sorliit nalunaarusianik atuarsinnaasimappat imaluunniit atuarnissaanik periarfissinneqarsimappat?**
- 2. Naaja H. Nathanielsen nalunaarusiat marluk arlaat siullerpaamik qanga atuarnissaannut periarfissaqalerpa, nalunaarusiat sorliit imaluunniit qanoq ilusillit atuarpai, qanorlu inissisimanermini tamanna piva?**
- 3. Naaja H. Nathanielsen Naalakkersuisuni ilaasortatut tunuareernerata kingorna nalunaarusiat arlaat imaluunniit tamarmik suli atuarnissaannut periarfissaqarsimava imaluunniit pigisimanerpai? Aappiuppat, tamanna inatsisitigut imaluunniit allaffissornikkut sunik tunngaveqarpa?**
- 4. Naaja H. Nathanielsen nalunaarusianik atuarnissamut periarfissaqarnissaanut tunngatillugu nipangiussisussaataitanermut, toqqorsivigineqarnerannut, atorneqarnissaannut aammalu tamanut saqqummiussinissamut atatillugu malittarisassat, ilitersuutit imaluunniit aalajangersimasumik piumasaqaatit suut atuuppat imaluunniit atuussimappat?**
- 5. Naaja H. Nathanielsen Naalakkersuisuni ilaasortatut tunuareernerata kingorna nalunaarusiat tamanut saqqummiunneqannginneranni paasissutissanik nalunaarusianiittunik tigummiinnarnissaanut, atornissaannut imaluunniit tamanut saqqummiussilluni oqaaseqarfiginissaannut Naalakkersuisut akuersissuteqarfigisimavaat? Aappiuppat, qaanga, kimit aammalu suna tunngavigalugu?**
- 6. Naalakkersuisut maanna atuuttut aammalu qitiusumik allaffeqarfiup avataaniittut kikkut nalunaarusiat marluk tamanut saqqummiunneqannginneranni tamakkiisumik ilaannakortumilluunniit atuarnissaannut periarfissaqarsimappat, qaangalu sunalu tunngavigalugu periarfissaqalerpat?**
- 7. Naalakkersuisut isumaaat naapertorlugu Naaja H. Nathanielsenip nalunaarusianik atuarnissamut periarfissaqarsimanera aammalu nalunaarusiat imarisaannik tamanut oqaaseqaateqarsimanera Naalakkersuisup 19. marts 2026 nalunaarutigisaanut, tassa nalunaarusiat Naalakkersuisunut, Inatsisartunut innuttaasunullu tamanut tulleriiaartumik saqqummiunneqassasut aammalu tamanut saqqummiunneqannginneranni nalunaarusiat imarisaat pillugit**

oqaaseqaateqaqqittoqassanngitsoq pillugu naapertuuttutut isigivaat?

Aappiuppat, tamanna qanoq tunngavilersorneqarpa?

- 8. Naalakkersuisut nalunaarusiat marluk ingerlaannaq aammalu kingusinnerpaamik Folketingip taarsiissutit pillugit inatsisip 27. august 2026 naatsorsuutigineqartumik inaarutaasumik suliarinerata sioqqullugu tamanut saqqummiutissavaat? Naamiuppat, taava nalunaarusiat kalaallisut, qallunaatut tuluttullu oqaasertallit pillugit uku paasissutissat qinnuigineqarput: a) maanna inissisimanerat, b) suliassat sorliit suli naammassineqanngitsut, c) suliassat taakku kimit suliarineqarnersut, d) suliat qaqugu naammassineqarnissaat naatsorsuutigineqarnersaq, aammalu e) tamanut saqqummiussiffissaq qaqugu ilimagineqarnersaq.**

(Inatsisartunut ilaasortaq Pele Broberg, Naleraq)

Tunngavilersuut:

Berlingske 17. august 2026¹ nalunaarpoq Naaja H. Nathanielsen Naartunaveersaartitsinermut tunngasumik suliaq pillugu nalunaarusiat marluk atuarsimagai, aammalu taakku isumaata allanngortinngikkaat. Nalunaarusiat suli pineqartunut arnanut, Inatsisartunut innuttaasunullu tamanut pissarsiarineqarsinnaanngillat.

Naalakkersuisut 19. marts 2026² nalunaarutigaat nalunaarusiat marluk tamarmik peer review-mik taaneqartumik misissorneqareernerup kingorna Naalakkersuisunut, Inatsisartunut innuttaasunullu tamanut – tassani tulleriiarneq malillugu – saqqummiunneqassasut.

Peqatigisaanillu nalunaarutigineqarpoq Naalakkersuisut imaluunniit ilisimatuut nalunaarusiat imarisaat pillugit tamanut saqqummiussinnginnermi oqaaseqaateqaqqissanngitsut.

14. august 2026³ Naalakkersuisoq maanna atuuttoq Meeqqanut, Inuusuttunut, Eqqartuussiveqarnermut Naligiissitaanermullu akisussaasoq nalunaarpoq nalunaarusiat peer review-mik taaneqartumik misissorneqareerlutillu immikkut ilisimasalinnit iluarsineqarsimasut. Tamanut saqqummiussinissamut ulluliussaq inaarutaasoq suli nalunaarutigineqanngilaq.

Tamatuma Naalakkersuisup paasissutissanik isertuussaasunik suli tamanut saqqummiunneqanngitsunik qanoq passussisimanagera pillugu apeqqutit pilersippai, naalakkersuisuusimasoq aammalu maanna Folketingimi ilaasortaasoq nalunaarusianik atuarnissaannut periarfissaqarsimasutut isikkoqarluni aammalu imarisaannik tamanut oqaaseqaateqarsinnaalluni, peqatigisaanillu pineqartunut arnat, Inatsisartut innuttaasullu suli tamanut saqqummiunneqarnissaat utaqqillugu. Tamanna immikkut pingaaruteqarpoq, Naalakkersuisut siusinnerusukkut saqqummiussinissamut aalajangersimasumik tulleriiaralutik nalunaaruteqareermata aammalu peqatigisaanik nalunaarusiat imarisaat

¹ <https://www.berlingske.dk/indland/hun-er-en-af-de-faa-der-har-laest-de-spraengfarlige-folkedrabsrapporter-de-har-ikke-rokket-ved-hendes-holdning>

² https://naalakkersuisut.gl/Nyheder/2026/03/1903_ekspertundersogelse?sc_lang=kl-GL

³ https://naalakkersuisut.gl/Nyheder/2026/08/1408_Naartunaveersaasersuisimanermut?sc_lang=kl-GL



pillugit tamanut saqqummiussinnginnermi oqaaseqaateqaqqissasoqassanngitsoq nalunaarutigereermassuk.

Taamaattumik apeqquutit qulaaniittut siunertaraat paasissallugu nalunaarusiat nutartikkat qanga pissarsiarineqarsinnaalersimanersut, kikkut pissarsiarisinnaaneraat, suna tunngavigalugu pissarsiarineqarsinnaanersut, qanoq piumasaqaateqartoqarnersoq qaqugulu tamanut saqqummiunneqassanersut.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.